



გამოდის 1935 წლიდან

ფასი: 1 ლარი

გიორგოშვილი შტა-აზარ ნუნ!



ბოლნისის მუნიციპალიტეტის საუკეთესო კრავატის კონკურსის გამარჯვებული გედრიგელ გეორგიშვილი გუნდა

გვ:2



ბოლნისის მთავარი ნაძვის ხე გრანდიოზული ღონისძიებით აინთო

გვ:3



ბოლნისის მუნიციპალიტეტმა მოწყვლადი კატეგორიის 165 ოჯახს საახალწლო ნობათი გადასცა

გვ:4

ბოლნისის მუნიციპალიტეტი საუკეთესო პრაქტიკის კონკურსის გამარჯვებული ზედღედ მოითხად გახდა



ქალაქ თბილისში საუკეთესო პრაქტიკის პროგრამის 2021 წლის კონკურსში გამარჯვებული მუნიციპალიტეტების დაჯილდოების ცერემონია გაიმართა.

საქართველოს ადგილობრივ თვითმმართველობათა ეროვნულმა ასოციაციამ (NALAG) გამარჯვებული მუნიციპალიტეტები 8 ნომინაციაში გამოავლინა.

საუკეთესო პრაქტიკის პროგრამის 2021 წლის კონკურსში გამარჯვება ბოლნისის მუნიციპალიტეტმა ზედღედ მეოთხედ მოიპოვა. აღსანიშნავია, რომ წელს ბოლნისის მუნიციპალიტეტის პროგრამები საუკეთესოდ ორ ნომინაციაში დასახელდა.

საქართველოს ადგილობრივ თვითმმართველობათა ეროვნულმა ასოციაციამ, „ბოლნისის საზოგადოებრივი ცენტრის“ მიერ შემუშავებული პროექტი „Sars-Cov 2 ვირუსით გამოწვეული ინფექციის საინფორმაციო იმუნიზაციის ხელშეწყობა ბოლნისის მუნიციპალიტეტის ტერიტორიაზე“ ნომინაციაში „COVID-19 ვაქცინაციის ხელშეწყობა და პოსტ-კოვიდ აღდგენა“ საუკეთესოდ დაასახელა. ვაქცინაციის მაქსიმალური ხელმისაწვდომობის მიზნით, „ბოლნისის საზოგადოებრივი ჯანდაცვის ცენტრი“, საქართველოს მასშტაბით პირველი დარეგისტრირდა იმუნიზაციის მიმწოდებელ დაწესებულებად და ცენტრის ბაზაზე შექმნა სამი მობილური ბრიგადა, რომელიც მოთხოვნის შესაბამისად, სოფლად მცხოვრები მოსახლეობის კორონავირუსის საინფორმაციო ვაქცინით იმუნიზაციას უზრუნველყოფს.

წელს ბოლნისის მუნიციპალიტეტის კიდევ ერთი პროექტი „სათემო ცენტრები ბოლნისის მუნიციპალიტეტის ახალგაზრდების მხარდასაჭერად“, NALAG-მ ნომინაციაში „ახალგაზრდების გააქტიურების, მობილიზაციის და ჩართულობის ხელშეწყობა“ გამოარჩია. პროექტის ფარგლებში, ახალგაზრდების მხარდაჭერის, ფორმალური და არაფორმალური განათლების ხელშეწყობის მიზნით, მუნიციპალიტეტმა 6 დასახლებულ პუნქტში, მათ შორის ერთიკური

უმცირესობებით დაკომპლექტებულ სოფლებში, სათემო ცენტრები გახსნა. დაჯილდოების საზეიმო ცერემონიაზე, საუკეთესო პრაქტიკის კონკურსის ჯილდოების, ბოლნისის მუნიციპალიტეტის მერს საქართველოს რეგიონული განვითარებისა და ინფრასტრუქტურის მინისტრის მოადგილემ შშია გიორგობიანი გადასცა.

საუკეთესო პრაქტიკის პროგრამის კონკურსს, საქართველოს ადგილობრივ თვითმმართველობათა ეროვნული ასოციაცია გაეროს განვითარების პროგრამის – „ადგილობრივი და რეგიონული განვითარების ხელშეწყობა საქართველოში“ მხარდაჭერით ახორციელებს.

„დღეს მართლაც ამაყი მერი ვარ, რადგან ბოლნისის მუნიციპალიტეტი ზედღედ მეოთხედ, საუკეთესო პრაქტიკის პროგრამის კონკურსის გამარჯვებული გახდა. წელს კი ეს ჯილდო ერთდროულად ორ ნომინაციაში გადმოგვეცა. საქართველოს ადგილობრივ თვითმმართველობათა ეროვნულ ასოციაციამ ბოლნისის საზოგადოებრივი ცენტრის მიერ შემუშავებული პროექტი „Sars-Cov 2 ვირუსით გამოწვეული ინფექციის საინფორმაციო იმუნიზაციის ხელშეწყობა ბოლნისის მუნიციპალიტეტის ტერიტორიაზე“ ნომინაციაში „COVID-19 ვაქცინაციის ხელშეწყობა და პოსტ-კოვიდ აღდგენა“ საუკეთესოდ დაასახელა. ნომინაციაში „ახალგაზრდების გააქტიურების, მობილიზაციის და ჩართულობის ხელშეწყობა“ კი გამარჯვებულად ბოლნისის მუნიციპალიტეტის კიდევ ერთი პროექტი „სათემო ცენტრები ბოლნისის მუნიციპალიტეტის ახალგაზრდების მხარდასაჭერად“ დასახელდა. პანდემიის დამარცხების ერთ-ერთი ეფექტური საშუალება ვაქცინაციაა, სწორედ ამიტომ ვაქცინაციის მაქსიმალური ხელმისაწვდომობის მიზნით, საქართველოში პირველმა „ბოლნისის საზოგადოებრივი ჯანდაცვის“ ცენტრმა შექმნა სამი მობილური ამცრელი ბრიგადა, რომელიც მოთხოვნის შესაბამისად მუნიციპალიტეტის მასშტაბით, სოფლებში ვაქცინაციის პროცესს ახორციელებს. ამ ეტაპზე ბოლნისის მუნიციპალიტეტში ყველა სახის კოვიდსაინფორმაციო ვაქცინის მიღება შესაძლებელი და ვაქცინაცია ჩვენს მუნიციპალიტეტში შეუფერხებლად და ყოველგვარი ხარვეზების გარეშე ხორციელდება. ჩვენ განსაკუთრებულ ყურადღებას ვაქცევთ მუნიციპალიტეტში ახალგაზრდების გაძლიერებას. ახალგაზრდული პოლიტიკის განვითარების მიზნით, წელს ბოლნისის მუნიციპალიტეტის საკრებულომ მუნიციპალიტეტის 2021-2023 წლების ახალგაზრდობის განვითარების სტრატეგიის დოკუმენტი და სამოქმედო გეგმა დაამტკიცა, დოკუმენტის ფარგლებში კი ახალგაზრდების მხარდაჭერის, ფორმალური და არაფორმალური განათლების ხელშეწყობის მიზნით, მუნიციპალიტეტმა 6 დასახლებულ პუნქტში, მათ შორის ერთიკური უმცირესობებით დაკომპლექტებულ სოფლებში, სათემო ცენტრები გახსნა. ცენტრებში ჩვენს ახალგაზრდებს სხვადასხვა პროექტის განხორციელებისა და მათი შესაძლებლობების რეალიზების საშუალება აქვთ. მინდა აღნიშნულ პროექტებში ჩართულ თანამშრომლებს მადლობა გადავუხადო დაუღალავი შრომისა და საკუთარი საქმის ერთგულებისთვის. საქართველოს ადგილობრივ თვითმმართველობათა ეროვნულ ასოციაციას კი კიდევ ერთხელ ვუხდით დიდ მადლობას, რომ ჩვენი პროგრამები საუკეთესოდ აღიარა, მიღებული ჯილდოები ჩვენთვის ერთგვარი მოტივაციაა სამომავლოდ, რომ მუნიციპალიტეტისა და ჩვენი მოქალაქეების საჭიროებებიდან გამომდინარე, მნიშვნელოვანი და ეფექტური პროექტები შევიშუქავოთ“, – განაცხადა ბოლნისის მუნიციპალიტეტის მერმა დავით შერაზადიშვილმა.

ბოლნისის მუნიციპალიტეტის სოციალურ პროგრამაში, ბავშვთა დაცვისა და მხარდაჭერის მიმართულებით 2022 წელს 375 000 ლარია გათვალისწინებული

ბავშვთა ძირითადი უფლებებისა და თავისუფლებების დაცვისა და მხარდაჭერის სისტემის მართვის მიზნებისთვის, ბოლნისის მუნიციპალიტეტის მერიის სოციალური და ჯანდაცვის სამსახურში უკვე ერთი წელია მუშაობს ბავშვის დაცვისა და მხარდაჭერის განყოფილება. ამ მიმართულებით სოციალურ პროგრამებზე 2022 წლის ადგილობრივ ბიუჯეტში 375 000 ლარია გათვალისწინებული. ბავშვთა დაცვისა და მხარდაჭერის კუთხით განხორციელებული პროგრამების შესახებ დეტალური ინფორმაცია განყოფილების უფროსმა ლელა კვიციანიშვილმა მოგვანოდა:

„ბოლნისის მუნიციპალიტეტის მერიის სოციალური და ჯანდაცვის სამსახურში შექმნილია სტრუქტურული ქვედანაყოფი, ბავშვის დაცვისა და მხარდაჭერის განყოფილება, სადაც თანდართული კრიტერიუმების შესაბამისად, დანიშნულია ყველა შესაბამისი კადრი: კოორდინატორი, ინსპექტორი, იურისტი, სოც. მუშაკი, ფსიქოლოგი.

პროგრამით გათვალისწინებულია:

ავადმყოფთა მედიკამენტებით უზრუნველყოფა (შეუქცევადი დაავადებებით დაავადებულთა ყოველთვიური მედიკამენტებით უზრუნველყოფა) – წლის განმავლობაში 1500 ლარი.

შშმ პირების დახმარებები – შეზღუდული შესაძლებლობის მქონე ბავშვების მატერიალური და სამედიცინო დახმარება (რასაც სრულად ან საერთოდ არ აფინანსებს საყოველთაო ჯანდაცვა, რეფერალური პროგრამები და სხვა დაზღვევები).

მკვეთრად და მნიშვნელოვნად გამოხატულ შშმ ბავშვებს სტაციონარში მოთავსების შემთხვევაში დახმარება გაეწევათ ერთჯერადად:

შშმ ბავშვებს, ფიზიოთერაპიისა და სარეაბილიტაციო მკურნალობისთვის – 1000 ლარი;

სტაციონალური მკურნალობისთვის – 1000 ლარი;

დიაგნოსტიკური კვლევებისათვის – 500 ლარი;

მედიკამენტური მკურნალობისთვის (სამუშაო ჯგუფის გადაწყვეტილებით) – საჭიროებისამებრ.

ყოველთვიური მატერიალური დახმარება, მუნიციპალური პენსია, გაეწევათ

ა) შეზღუდული შესაძლებლობის სტატუსის მქონე ბავშვებს – 150 ლარი.

ბ) შშმ პირები, რომლებიც სარგებლობდნენ რეიტინგოების პროგრამით – 150 ლარი.

ფინანსური და ჰიპერფენილალანემიით დაავადებული ბავშვების დახმარება – 3 500 ლარი;

სოციალურად დაუცველი ერთ წლამდე ბავშვების ყოველთვიურად კვებით უზრუნველყოფა – 80 ლარის ოდენობის;

არასრულწლოვანთა ლოგოპედის მომსახურებით უზრუნველყოფა – პროგრამა გულისხმობს ლოგოპედის მომსახურების საფასურს 1000 ლარის ოდენობით ბოლნისის მუნიციპალიტეტის ადგილობრივი ბიუჯეტიდან შემდეგი კატეგორიის შშმ ბავშვების დაფინანსებას:

ა) დაუნის სინდრომი;

ბ) აუტისტური სპექტრი;

გ) ცერებრალური დამბლა;

დ) სმენადაქვეითებული (IV ხარისხის სმენაჩლუნგობა);

რეიტინგირებული ბავშვების ყოველთვიური დახმარებები – ოჯახში რეიტინგირებულ ბავშვებს – 100 ლარი;

გათბობის სეზონზე ერთჯერადი მატერიალური დახმარებით უზრუნველყოფა – 200 ლარი (ერთ-ერთ კატეგორიად გათვალისწინებულია ოჯახები, სადაც სამი და მეტი არასრულწლოვანი ბავშვი ცხოვრობს);

მკურნალობით უზრუნველყოფა (რასაც სრულად ან საერთოდ არ აფინანსებს საყოველთაო ჯანდაცვა, რეფერალური პროგრამები და სხვა დაზღვევები) არაუმეტეს 1000 ლარისა (გამონაკლის შემთხვევებში სრულად).

სოციალურად დაუცველ ბავშვებს (სარეიტინგო ქულა 150 000 მდე);

დედ-მამით ობოლ, იძულებით გადაადგილებულ, ლეიშმანიოზით,

ფარისებრი ჯირკვლით და ფსორიაზით დაავადებულ ბავშვებს და ა.შ.

მედიკამენტებით უზრუნველყოფა

მერიაში დამატებით შექმნილია სამუშაო ჯგუფები, რომლებიც ინტენსიურად განიხილავენ ბოლნისის მუნიციპალიტეტის ტერიტორიაზე რეგისტრირებული მოქალაქეების განცხადებებს, რომლებიც ამ მომენტში არ არიან რეგისტრირებული სოციალური მომსახურების სახელმწიფო პროგრამის მონაცემთა ერთიან ბაზაში, ან რეგისტრირებულნი არიან, არ აქვთ მინიჭებული სარეიტინგო ქულა და მომართვის პერიოდში მძიმე მათი სოციალურ-ეკონომიური მდგომარეობა.

2009 წლიდან ფუნქციონირებს საგანმანათლებლო სარეაბილიტაციო დღის ცენტრი „განთიადი“, სადაც შშმ ბავშვები იღებენ მათზე მორგებული სტანდარტის შესაბამის მომსახურებას. ისინი უზრუნველყოფილნი არიან სპეციალური სწავლების მეთოდით, ექიმის დანიშნულების შესაბამისად, შედგენილი კვების რაციონით და ზაფხულის სეზონისთვის დასვენებით.

დღის ცენტრში არის ორჯერადი კვება, ტრანსპორტით მომსახურება, უსაფრთხო და ხელმისაწვდომი გარემო. ტარდება სხვადასხვა ღონისძიებები, იმართება ბავშვების ნამუშევრების გამოფენა-გაყიდვა, ეწყობა ექსკურსიები. შშმ ბავშვები უზრუნველყოფილნი არიან საზაფხულო კურორტით, მათი რეაბილიტაციისა და ინტეგრაციის მიზნით. ასევე ცენტრი უზრუნველყოფს შშმ ბავშვების ინკლუზიური განათლებისათვის მომზადებას.

2017 წლიდან გაიხსნა კრძისული ცენტრი, რომლის მიზანია უზრუნველყოს პირდაპირი დახმარება და დახმარება, ოჯახური და სექსუალური ძალადობის შედეგად დაზარალებული მოქალაქეების (მათ შორის ბავშვების). ოჯახში ძალადობის მსხვერპლი, პროგრამით უზრუნველყოფილია თავშესაფრით, სამედიცინო და იურიდიული მომსახურებით, ჰიგიენური საშუალებებით, კვებით, სოციალური მუშაკისა და ექიმის მომსახურებით.

ბოლნისის მუნიციპალიტეტის მერია იღებს ვალდებულებას, მუნიციპალიტეტში რეგისტრირებულ ყველა ბავშვს, გაუწიოს შესაბამისი დახმარება და იზრუნოს მათ სოციალურ- ეკონომიკური მდგომარეობის შემსუბუქებაზე“.

ბოლნისის მთავარი ნაძვის ხე გრანდიოზული ღონისძიებით აინთო

ახალი 2022 წლის დადგომამდე რამდენიმე დღით ადრე, საახალწლო განწყობის შესაქმნელად ნაძვის ხის საზეიმოდ ანთების ღონისძიება ტრადიციულად ბოლნისის მუნიციპალიტეტის მერიის მიმდებარე ტერიტორიაზე გაიმართა, რომელიც მთელი დღის განმავლობაში, სხვადასხვა აქტივობებით იყო დატვირთული, აქედან უმთავრესი პატარებისთვის სიურპრიზი გახლდათ, თოვლის ბაბუა მისთვის მოწყობილი ქოხიდან ბავშვებს საჩუქრებს ურიგებდა ასევე პატარების განწყობაზე ანიმატორების ზრუნავდნენ.

ღონისძიებას ადგილობრივი ხელისუფლების წარმომადგენლები ესწრებოდნენ, მუნიციპალიტეტის მერმა დავით შერაზაძემ ადგილობრივი მეწარმეების მიერ წარმოებული პროდუქცია დაათვალიერა, დააგემოვნა და ბოლნისელებს დამდეგი ახალი წელიც მიულოცა.

მუნიციპალიტეტის მერიის წინ სპეციალურად ამ დღისთვის მოეწყო დახლები, სადაც შემოქმედებითი კოლექტივების და ადგილობრივი მეწარმეების მიერ

შექმნილი პროდუქციის გამოფენა გაყიდვა მოეწყო. ზამთრის სუსხიან დღეს ტრადიციული მეთოდით დაშხადებულმა გლინტვინმა განსაკუთრებული მოზონება დაიმსახურა.

მუნიციპალიტეტის მერიის წინ დამონტაჟებულ სცენაზე კულტურის სახლთან არსებული ადგილობრივი კოლექტივების მონაწილეობით ლამაზი ღონისძიება ჩატარდა, სპეციალურად მოწვეული თბილისის ქალთა გუნდის მიერ შესრულებულმა სიმღერებმა, საახალწლო განწყობა კიდევ უფრო აამაღლა.

ნაძვის ხის განათებამდე რამდენიმე წუთით ადრე მუნიციპალიტეტის მერმა მოსახლეობას დამდეგი შობა ახალი წელი მიულოცა და ულამაზესი ნაძვის ხეც აინთო.

ღონისძიება გრანდიოზული ფოიერვერიკით, ბენდისა და დიჯეი სეტის კონცერტით დასრულდა.



ბოლნისის მუნიციპალიტეტის მერი გილოცავთ შობა-ახალ წელს



დავით შერაზაძე - დირექტორი ბოლნისელებო, გილოცავთ ახალ წელს! 2022 თითოეული თქვენგანის ოჯახისთვის ბედნიერების, სიხარულის, ხევისა და ბარაქის მომტანი ყოფილიყოს. მთელი გულით გისურვებთ ყოველივე საუკეთესოს და ვიმედოვნებ, რომ 2022 წელს ჩვენი ქვეყანა, სხვადასხვა მიმართულებით, არაერთ წარმატებას მიაღწევს. უპირველეს ყოვლისა, 2021 წლის ადგილობრივი თვითმმართველობის არჩევნებში ჩემდამი გამოცხადებული მხარდაჭერისთვის მსურს, დიდი მადლობა გადაგიხადოთ. შეუძლებელია არ ვახსენოთ ის რეალობა რომელშიც დღეს გვიწევს ცხოვრება, სამწუხაროდ, მთელი მსოფლიო, მათ შორის ჩვენც, ჯერ კიდევ პანდემიურ პირობებში ვცხოვრობთ, ამ ეტაპზე მუნიციპალიტეტის მთავარი მიზანი სწორედ ამ უხილავ მტერზე გამარჯვებაა. პანდემიის დამარცხების ეფექტური გზა კი მასობრივი ვაქცინაციაა. ბოლნისის მუნიციპალიტეტი ამ მხრივაც მოწოდების სიმაღლეზე აღმოჩნდა, საქართველოს მასშტაბით, ვაქცინაციის მაქსიმალური ხელმისაწვდომობის მიზნით, პირველმა სწორედ „ბოლნისის საზოგადოებრივი

ჯანდაცვის“ ცენტრმა შექმნა სამი მობილური ამცრელი ბრიგადა, რომელიც მოთხოვნის შესაბამისად მუნიციპალიტეტის მასშტაბით, სოფლებში ვაქცინაციის პროცესს ახორციელებს.

მიუხედავად პანდემიისა 2021 ბოლნისის მუნიციპალიტეტისთვის წარმატებული წელი აღმოჩნდა. 2021 წელს ბოლნისის მუნიციპალიტეტში 13 000 000 ლარი ინფრასტრუქტურული პროექტებისთვის დაიხარჯა. აღსანიშნავია, რომ მუნიციპალიტეტის მასშტაბით, 10 390 გრძივი მეტრი საგზაო ინფრასტრუქტურა მოწესრიგდა, ყოფილი კატერინენფელდის ცენტრალური უბნების დარჩენილ მონაკვეთებზე ადგილობრივი ბაზალტით ქუჩების მოკირწყვლა დასრულდა, რაც ქალაქ ბოლნისის ტურისტული პოტენციალის განვითარებისთვის უდავოდ მნიშვნელოვანია. ჩვენ წლებში ვახორციელებთ მოწყვლადი კატეგორიის ოჯახების საცხოვრებელი სახლების სახურავების შეცვლის პროექტს, ამ პროგრამით 2021-ში სოციალურად დაუცველმა 80-მა ოჯახმა ისარგებლა, რეაბილიტაცია ჩაუტარდა სოფელ ქვეშის საჯარო სკოლას, ახლა უკვე ჩვენი მოსწავლეები თანამედროვე სტანდარტებთან შესაბამის, ადაპტირებულ სკოლაში გააგრძელებენ სწავლას. სამუშაო პროცესი მიმდინარეობს ასევე ბოლნისის N1 საჯარო სკოლაში, სადაც ინფრასტრუქტურული სამუშაოები სულ მალე დასრულდება.

ბოლნისის მუნიციპალიტეტი დიდ ყურადღებას აქცევს სოციალურ პროგრამებს. 2021 წელს, ამ მიმართულებით, მუნიციპალიტეტმა 4 მილიონ ლარზე მეტი დაიხარჯა. სოციალური პროგრამებით სხვადასხვა კატეგორიის მოწყვლადმა ოჯახებმა და შშმ პირებმა ისარგებლეს. ჩვენი ბენეფიციარებისთვის სოციალური პროგრამების დახვეწას კვლავაც ვგეგმავთ და მომავალში სერვისები მეტად ინკლუზიური გახდება.

აღსანიშნავია, რომ 2021 წელს საქართველოს ადგილობრივი თვითმმართველობათა ეროვნულმა ასოციაციამ საუკეთესო პრაქტიკის კონკურსში ბოლნისის მუნიციპალიტეტი გამარჯვებულად შედიხედ მეოთხედ დაასახელა, ამჯერად ორ ნომინაციაში. ჩვენი მუნიციპალიტეტის მიერ მომზადებული პროექტი „სათემო ცენტრები ბოლნისის მუნიციპალიტეტის ახალგაზრდების მხარდასაჭერად“ ნომინაციის „ახალგაზრდების გააქტიურების, მობილიზაციის და ჩართულობის ხელშეწყობა“ გამარჯვებული გახდა. ბოლნისის საზოგადოებრივი ცენტრის მიერ შემუშავებული პროექტი „Sars-Cov 2 ვირუსით გამოწვეული ინფექციის სანინააღმდეგო იმუნიზაციის ხელშეწყობა ბოლნისის მუნიციპალიტეტის ტერიტორიაზე“ ნომინაციაში „COVID -19 ვაქცინაციის ხელშეწყობა და პოსტ-კოვიდ აღდგენა“ საუკეთესოდ დასახელდა. ეს წარმატება ნათლად ადასტურებს რომ მუნიციპალიტეტი სწორი მიმართულებით ვითარდება და 2022 წელს ეს პროცესი კიდევ უფრო მეტად მასშტაბური გახდება.

2022-ში ჩვენ, მოქალაქეების საჭიროებებზე მორგებული არაერთი პროექტის განხორციელებას ვგეგმავთ. ჩვენი მიზანი ბოლნისის მუნიციპალიტეტის სწრაფი განვითარებაა და ამ მიზნის მისაღწევად ძალისხმევას არ დავიშურებთ.

მჯერა, რომ 2022 წლის ირთულეების დაძლევის, ერთიანობის და წარმატების მომტანი იქნება - ბოლი მეჭვილიანი

გოგი მეჭვილიანი - გილოცავთ ახალ, 2022 წელს! ეს წელი ბედნიერების, ჯანმრთელობის, მშვიდობის და კეთილდღეობის მომტანი ყოფილიყოს თქვენთვის, თქვენი ოჯახებისა და სრულიად საქართველოსთვის!

განსაკუთრებით ვულოცავ ჩემს ბოლნისელებს, დმანისელებს, თეთრიწყაროელებს და წალკელებს.

2021 წელი სავსე იყო გამოწვევებით. ისევ მოგვიწია უხილავ მტერთან ბრძოლა თუმცა, ამავე წელმა გვიჩვენა, რომ შეგვიძლია სირთულეებთან ღირსეული გამკლავება. შევძელით თავისუფალ გარემოში ჩაგვეტარებინა 2021 წლის ადგილობრივი თვითმმართველობის არჩევნები და გაგვეგრძელებინა ქვეყნის განვითარება.

2021 წელმა გვჩვენა გმირები იმ ადამიანების სახით ვინც დღედაღამ იდგა ჩვენი ჯანმრთელობისა და სიცოცხლის სადარაჯოზე. მადლობა - ექიმებს, ექთნებს, და იმ პროფესიის წარმომადგენლებს, ვინც პირდაპირ არის ჩართული პანდემიის მართვის პროცესში, რომ არა ამ ადამიანების პროფესიონალიზმი, საქმისადმი თავდადება და ძალისხმევა კიდევ უფრო რთული იქნებოდა ამ გზის გაკვლა .

ასევე ვულოცავ პოლიციელებს, ჯარისკაცებს, პედაგოგებს და ყველას, ვინც ყოველდღიურად შრომობს ქვეყნის უკეთესი მომავლისთვის.

მჯერა, რომ 2022 წელი იქნება სირთულეების დაძლევის, ერთიანობის და წარმატების მომტანი.



ბოლნისის მუნიციპალიტეტმა მოწყვლადი კატეგორიის 165 ოჯახს საახალწლო ნობათი გადასცა



ბოლნისის მუნიციპალიტეტის მერმა დავით შერაზაძემ, პირველ მოადგილე ბუბა გობეჯიშვილთან, ბოლნისის საკრებულოს თავმჯდომარის პირველ მოადგილე გიორგი მირიანაშვილთან და ბოლნისის მაჟორიტარი დეპუტატის ბიუროს ხელმძღვანელ ბექა ნაქაძესთან ერთად მოწყვლადი კატეგორიის 165 ოჯახს, რომელთა ყოველდღიურ უფასო კვებას ბოლნისის მუნიციპალიტეტი უზრუნველყოფს, დამდეგი შობა-ახალი წელი მიულოცა და მათ წინასახალწლო საჩუქრები გადასცა.

საშობაო ნობათები „შინ მოვლის სერვისით“ მოსარგებლე მართხელა ხანდაზმულ ბენეფიციარებსაც გადაეცათ. აქციაში უკვე მიიღო ტრადიციული სახე და ის მომავალშიც გაგრძელდება.

„წინასახალწლოდ, ტრადიციულად ბოლნისის მუნიციპალიტეტის მერია მოწყვლადი კატეგორიის ოჯახებს საახალწლო ნობათებს გადასცემს. წელს საახალწლო ნობათი 165-მა ოჯახმა მიიღო. ბოლნისის მუნიციპალიტეტი ყოველთვის დიდ ყურადღებას აქცევს სოციალურ პროგრამებს და ჩვენ ვცდილობთ მაქსიმალურად ვიზრუნოთ შეჭირვებულ ოჯახებსა და მოხუცებზე, პანდემიის პირობებში კი ვფიქრობ, რომ მსგავსი დახმარება ჩვენი მოქალაქეებისთვის ორმაგად მნიშვნელოვანია. მსურს, დამდეგი შობა-ახალი წელი თითოეულ ბოლნისელს მიველოცო და მათ ჯანმრთელობა და ბედნიერება ვუსურვო“, - განაცხადა ბოლნისის მუნიციპალიტეტის მერმა დავით შერაზაძემ.

სიკეთე გადახდები, ქველმოქმედება რომელმაც საზოგადოება ერთი მიზნისთვის გააერთიანა



ჩვენს გვერდით არსებობენ ისეთი ადამიანები, რომლებიც ყოველგვარი ფიქრის გარეშე უყოყმანოდ აკეთებენ სიკეთეს ისე, არც რაიმე ჯილდოს ელიან და არც იმას, რომ სხვებმა შეამჩნიონ და გმირად გამოაცხადონ, მათ მხოლოდ სხვისი დახმარების სურვილით გამოწვეული ემოცია ახარებთ. დღეს სწორედ ასეთ გოგონებზე ვსაუბრობთ, რომელიც სხვების გახარებით თავდასაც ბედნიერია. ანა-მარია იმედაშვილი ჰყავს მეუღლე და სამი მცირეწლოვანი შვილი, მუშაობს საკმაოდ დატვირთული გრაფიკით და ყოველი წუთი გათვლილი აქვს, მიუხედავად ამისა ის სხვების დახმარების სურვილით გააძლიერა, გაათამამა და ყველაფერი შეაძლებინა. გასული წლის მსგავსად წელსაც საახალწლოდ საქველმოქმედო აქცია დაგეგმა. როგორც თავად გვიამბობს სხვების დახმარება, მათი სიხარულით გაბრწყინებული თვალების დანახვა გულს უთბობს და დიდხანს მიჰყვება.

გასულ წელს სოციალურ ქსელში გაჩნდა გვერდი „ბოლნისის ყიდვა-გაყიდვა“, სადაც მოსახლეობისთვის საჭირო სხვადასხვა სახის განცხადებები გამოჩნდა. გვერდი ანა - მარიას ეკუთვნოდა, აქ მალევე განთავსდა საქველმოქმედო შინაარსის აქცია, რომელსაც ბევრი გამოხმაურება მოჰყვა. საზოგადოება ერთმა მიზანმა, სხვების დახმარების სურვილმა გააერთიანა. „სიმართლე გათხრად უძრავი ქონების გაყიდვა მინდოდა, ვიკებდი ფეისბუქზე მიზნობრივ ჯგუფს სადაც შევძლებდი განცხადების დადებას. ასევე ხშირად მიწვედა სასურველი ნივთების გამოწერა თბილისიდან, რაც არ იყო მოსახერხებელი, პრობლემებს ვაწყდებოდი, ამიტომ ვიფიქრე, არ იქნებოდა ცუდი ისეთი სივრცე თუ გვექნებოდა, სადაც შევძლებდით სხვადასხვა სახის განცხადებების განთავსებას, სწორედ ასე შეიქმნა „ბოლნისის ყიდვა-გაყიდვის“ ჯგუფი, რომელმაც შემდგომ საინფორმაციო სახეც მიიღო.“

-რაც შეეხება იდეას თქვენი ქველმოქმედების შესახებ

- საქველმოქმედო აქტივობების ჩატარების იდეა ჯგუფის შექმნიდან რამდენიმე თვეში გაჩნდა, მე და ნიჭიერ ფოტოხელოვანს მარიამ ჭილაიას გვინდოდა ასეთი გვერდის შექმნა, თუმცა დაემთხვა პანდემია. შემოიღეს შეზღუდვები, რის გამოც ეს იდეა ვერ განვახორციელებთ. მას მერე რამდენიმე თვე გავიდა, სურვილი კი ყოველთვის მქონდა, არ ვიცოდი ვის, როგორ და რა ფორმით დავხმარებოდი, გასულ წელს დამიკავშირდა ჩვენი თანამოქალაქე, აქტიური ქალბატონი თამარ ბობოხიძე, მიყვებოდა თუ რამდენ ოჯახს შეექმნა პანდემიის ფონზე ფინანსური პრობლემა, მთხოვა, რომ ჯგუფის საშუალებით გამეფრცვლებინა ინფორმაცია და გაგვეკეთებინა საქველმოქმედო აქცია

ზუსტად მქონდა გადაწყვეტილი რა ფორმით მოხერხდებოდა ეს და ამიტომ დავდე ჯგუფში გამოკითხვა სადაც ვთხოვდით მოსახლეობას აზრის დაფიქსირებას.

-როგორ შეხვდა საზოგადოება და თუ მოყვა გამოხმაურება?

-საზოგადოება დიდი ენთუზიაზმით შეხვდა საქველმოქმედო აქციას, ბევრი ადამიანი გვეწერდა და გამოთქვამდა დახმარების სურვილს. რადგან თავდაპირველად აქცენტი ბავშვებზე გავაკეთეთ, გვინდოდა მათთვის შეგვეძინა სათამაშოები და ტკბილეული, ამიტომ მოგვივიდა იდეა, რომ ამ ბავშვებს დაენერათ წერილები თოვლის ბაბუისთვის, რომლებიც გამოვაქვეყნეთ ჯგუფში, არ გვეწონდა შემდეგი ნაბიჯები დაგეგმილი, თანხის აგროვება, ამდენი საჩუქრის შექმნა, ძალიან შრომატევადი და საპასუხისმგებლო საქმეა,

ყველაფერი ექსპრომტად გამოვიდა, წერილები რომ ავტვირთე ჯგუფის წევრებმა თავადვე გამოთქვეს სურვილი, კონკრეტული ბავშვები აირჩიეს და საჩუქრებიც შეუძინეს.

-რას ითხოვდნენ ძირითადად თოვლის ბაბუისგან?

- ვინაიდან სკოლები დაკეტილი და ონლაინ სწავლებაზე იყო გადასული, დიდი მოთხოვნა იყო ტელეფონებზე, ასევე ველოსიკედებზე, სხვადასხვა სათამაშოებსა და ტკბილეულზე.

წელს კი სურვილებში ხშირად იყო ყურსასმენები და ბურთები.

-როგორ მოხდა საჩუქრების გადაცემა და როგორი იყო ადრესატების ემოციები?

-უკვე გამზადებულ საჩუქრებს თავი მოვუყარეთ, დავახარისხეთ, კულტურის სახლის ტრანსპორტით დავარიგეთ ოჯახებში მე და თამარ ბობოხიძემ, საჩუქრების დარიგებაში დაგვეხმარნენ მოხალისეები გვანცა ბობოხიძე და ნიკა აბდუშელიშვილი. ამ დღეს სანთა-აქცია დავარქვით. ემოციები იყო განსხვავებული, დაუვინყარი, ბევრი სითბოთი და სიხარულით.

-როგორ ფიქრობ აუსრულეთ ბავშვებს ოცნება?

დარწმუნებული ვარ ბევრს ავესრულე ოცნება, შარშან 96 ბავშვი დავასაჩუქრეთ, წელს 85-მდე. ამავე ჯგუფის საშუალებით ხდება სეკრეტ- სანთას თამაში, რთულია, საკმაოდ დიდი დრო და ენერჯიაა საჭირო, მაგრამ ძალიან მსიამოვნებს რასაც ვაკეთებ, დიდხანს მიმყვება ბედნიერი ბავშვების სახეები და ემოციები, რაც სურვილს მიჩენს მეტი გავაკეთო მათთვის.

მინდა მადლობა გადავუხადო თითოეულ ბოლნისელს აქციაში მონაწილეობისთვის, დახმარებისთვის და გამხნევებისთვის. ჩვენ, ყველამ ერთად უკვე მეორე წელია შევძელით და მოვიყვანეთ ჯადოსნური ახალი წელი ბოლნისში.



მინდა ასევე თითოეულ მათგანს, სრულიად ბოლნისელებს მივულოცო შობა-ახალი წელი და ყველაზე მნიშვნელოვანი, ჯანმრთელობა ვუსურვო. სიკეთის მომგანი და ოცნებების ასრულების წელი ყოფილიყოს.

p.s. „სიკეთის გოგო“ საქველმოქმედო აქციების ჩატარებას კვლავ აპირებს, თუმცა რა სახით და როგორი მასშტაბებით, ჯერ არ გადაწყვეტილია, ერთი რამ ზუსტად იცის, სხვების გახარებას, რომელიც მას ძალიან სიამოვნებს და სიხარულს გვრის, მომავალშიც აქტიურად გააგრძელებს.

მაგდა დევროზაშვილი

მადლობა უფალს, ვარ ბოლნისელი, გმონდა საშუალება ჩემი მოკრძალებული წვლილი შემიტანა ბოლნისის განვითარებაში



„ბოლნისის საპატიო მოქალაქის ტიტული განსაკუთრებულია, ვინაიდან აქ დავიბადე და გავატარე ცხოვრების წლები, მადლობელი ვარ ბოლნისის მუნიციპალიტეტის ხელმძღვანელობის, რომ დააფასეს ჩემი მოკრძალებული წვლილი რაიონის განვითარების საქმეში“.

ბოლნისის მუნიციპალიტეტის განვითარების საქმეში შეტანილი განსაკუთრებული წვლილისთვის, ყოფილ დეპუტატს, კოლორიტსა და ბოლნისის მუნიციპალიტეტის მერის სათათბირო ორგანოს სამოქალაქო მრჩეველთა საბჭოს თავმჯდომარეს, შოთა რეხვიაშვილს, 75 წლის იუბილესთან დაკავშირებით, ბოლნისის საპატიო მოქალაქის ჯილდო გადაეცა.

შოთა რეხვიაშვილი წლების მანძილზე სხვადასხვა საპასუხისმგებლო თანამდებობაზე მუშაობდა, ამ პერიოდში არაერთი სასიკეთო საქმე გაკეთდა, აშენდა ნავთობ ბაზა, არქივის შენობა, სოფელ ტანძიაში სულხან-საბა ორბელიანის სახლ-მუზეუმი და სხვადასხვა სასოფლო დანიშნულების ობიექტები.

დაიბადა და გაიზარდა ბოლნისში, მთელი ცხოვრება აქ გაატარა, საქართველოს პოლიტექნიკური ინსტიტუტის დამთავრების შემდეგ, მუშაობა დაიწყო ქალაქ ტყიბულში, ორჯონიკიძის სახელობის შახტის ვენტილაციის უბნის უფროსის თანაშემწედ და მოადგილედ. 1972- 74 წლებში მუშაობდა სპეციალური სამშენებლო- სარემონტო სამმართველოს ბოლნისის № 2 უბნის საწარმო ტექნიკური განყოფილების ინჟინრად, სამუშაოთა მწარმოებლად.

მრავალწლიანი და უწყვეტი სამუშაო რეჟიმის მიუხედავად, შოთა რეხვიაშვილი არასდროს წყვეტდა პიროვნულ ზრდას, მან ჩააბარა საქართველოს ზოო-ვეტერინარული ინსტიტუტის დაუსწრებელ განყოფილებაზე, ზოო ინჟინრის სპეციალობით.

სხვადასხვა წლებში იყო საქართველოს სახალხო კონტროლის ბოლნისის

რაიონული კომიტეტის რაიკომის ინსპექტორი. პასუხისმგებელიანი დამოკიდებულებისა და საქმისადმი სიყვარულის გამო, ის არჩეულ იქნა მადნეულის სამთო- გამამდიდრებელი კომბინატის პარტიული კომიტეტის მდივნად. სწორედ ამ პერიოდში, მოხდა ფაქტიურად გაჩერებული საწარმოს ამუშავება.

„1989-92 წლებში, ვიკავებდი ბოლნისის რაი-ალმასკომის თავმჯდომარის თანამდებობას, სწორედ ამ პერიოდში მოხდა სვანეთისა და აჭარის დამმეწყრილი რაიონებიდან ჩამოსახლებული მოსახლეობისთვის სახლების მშენებლობა ტანძიაში, დისველსა და ხატისოფელში, ამ პერიოდში ვიყავი მშენებლობის შტაბის ხელმძღვანელი. ჩემი თაოსნობით რაიონის ტერიტორიაზე აღდგა სოფლების ძველი ტოპონიმები, რის საფუძველზეც სოფლებს ძველი ქართული სახელწოდება მიენიჭა,“ამბობს ბატონი შოთა.

იგი ზრუნავდა არა მარტო ბოლნისის ინფრასტრუქტურაზე, არამედ მოსახლეობის ეკონომიკურ გაძლიერება-განვითარებაზე. საქართველო-კვიპროსის ერთობლივი საწარმოს დირექტორის პოზიციაზე მუშაობის პერიოდში, აშენდა რაჭისუბნის მინერალური წყლის ჩამოსახლებელი ქარხნის სამრეწველო კორპუსი, თუმცა მისი დასრულება, გარკვეული გარემოებების გამო, ვერ მოხერხდა. მუნიციპალიტეტის გამგებლობის პერიოდში, მისი უშუალო მონაწილეობით მადნეულის ბაზაზე, ჩამოყალიბდა ოქროს შემცველი მადნევის გადამამუშავებელი საწარმო ვეარციით. ის წარმატებით მუშაობდა, არა მარტო საჯარო სამსახურში, არამედ კერძო სექტორშიც, სწორედ, მისი გამგეობის თავმჯდომარედ მუშაობის პერიოდში, მოხვდა ბოლნისის საფეხბურთო კლუბი „სიონი“ უმაღლეს ლიგაში.

„ყოველთვის ვცდილობდი ხალხის ყოფა-ცხოვრება უკეთესობისკენ შემეცვალა, არა ერთი ცვლილება განხორციელდა ჩემი ხელმძღვანელობით. ვიყავი საქართველოს გაერთიანებული ქართული ბანკის, ბოლნისის ფილიალის მმართველი, შპს ვეარციის დირექტორი, მადნეულის სამეთვალყურეო საბჭოს თავმჯდომარე, ძალიან კარგი და საინტერესო წლები იყო. 2013 წლიდან კი ვმუშაობ ბოლნისის მუნიციპალიტეტის მერიის ავტოსატრანსპორტო საწარმოს სპეციალისტად, 2019 წლიდან კი ვარ მერის მრჩეველთა საბჭოს თავმჯდომარე ამ კუთხით მუნიციპალიტეტის ხელმძღვანელობას ვურჩევდი მეტი ყურადღება დაუთმონ მოსახლეობის დასაქმების პრობლემას, განსაკუთრებით ახალგაზრდების, ინფრასტრუქტურის განვითარებას, ქალაქისა და სოფლების მონესრიგებას, მათი პრობლემების მოგვარებას. ძალიან კარგად მახსენდება 1994 წელი, როდესაც გრანდიოზულად აღინიშნა ბოლნისის სიონის ტაძრის 1500 წლის იუბილე, სადაც მონაწილეობა მიიღო რესპუბლიკის საერო და სასულიერო ხელმძღვანელობამ. ბოლნისი ხომ ქვემო ქართლში და მთლიანად საქართველოში გამორჩეული რაიონია თავისი მდიდარი ისტორიით, უძველესი ძეგლებითა და ღირსშესანიშნაობებით. მადლობა უფალს, რომ ვარ ბოლნისელი და მქონდა საშუალება ჩემი მოკრძალებული წვლილი შემიტანა ბოლნისის განვითარების საქმეში, რომელსაც ყოველთვის დიდი პასუხისმგებლობითა და სიყვარულით ვუდებოდი“, განაცხადა შოთა რეხვიაშვილმა.

კარანტინში დაწყებული ხელსაქმე

„ბიბლუსის სოფო“ ასე გაიხსნა ბოლნისის საზოგადოების დიდმა ნაწილმა გოგონა, რომელიც წლების მანძილზე წიგნის მაღაზია „ბიბლუსში“ მუშაობდა. მუდამ მომდიმარმა, ფერადმა და პოზიტიურმა სოფო გასიშვილმა თავი მალევე ყველას შეაყვარა. დღეს უკვე მისი ხელნაკეთი აქსესუარებიც უყვართ,



მოსწონთ და უკვეთავენ კიდევ.

„ხელსაქმე ჩემთვის ჰობია, საქმე რომლის დროსაც ვღებულობ მაქსიმალურ სიამოვნებას, რომელშიც ვდებ ყველა დადებით ემოციას რაც კი გამაჩნია. როდესაც რაიმე ნივთს ვამზადებ და ვფიქრობ მის დიზაინზე, გარშემო ყველაფერი ქრება. ვუყურებ ნივთს მყიდველის თვალით და ვფიქრობ მას როგორ მოეწონება? რა ფერებს შეუხამებდა?“

ხელსაქმე პანდემიის პერიოდში დაიწყო, მაშინ როდესაც ყოველდღიური რიტმი შეიცვალა და სამყარომ ცხოვრება ახალ რეალობაში გააგრძელა. კარანტინის დროს სოფო ბავშვობის საყვარელ ხელსაქმეს მიუბრუნდა, სკივრში ჩალაგებული ძველი ნივთები ამოალაგა და ლამაზი თვლებით, ფერთა შეხამებით თმის სამაგრი გააკეთა. „ჩემი საქართველო“ ასე უწოდა



რუკაზე ფერადი თვლებით განთავსებულ საქართველოს კუთხეებს.

„სულ პატარა ვიყავი, დედაჩემის მძივები რომ დავშალე და გადავაკეთე, მას მერე რაც თავი მახსოვს სულ ვჩიოვარკვდელოაობ, ხან რას ვშლიდი, ვაწყობდი, ვანებებდი. დროდადრო მუზა მეწვეოდა, ძალიან მომინდებოდა რაღაცის შექმნა. წლების წინ ბისერებით და ე. წ. ფარფლებით დავიწყე ქარგვა, ვაკეთებდი აბადოკებს, ვხატავდი მაისურებზე, ვამზადებდი სამშვენისებს ქალბატონებისთვის. იმ დროს მორჩენილი მასალა სკივრში მქონდა ჩალაგებული, ერთი წლის უკან, პანდემიის პერიოდში, მომინდა ისევ რაღაცეების შექმნა, ამოვალაგე ნივთები, ბრწყვიალა ბისერების დანახვისას, პირველი, რაც მომივიდა თავში, საქართველოს გაკეთება იყო. არ მქონდა გადამწყვეტილი თმის სამაგრი იქნებოდა ეს თუ ბროში, უბრალოდ საქართველო უნდა ყოფილიყო გამოსახული, რომელსაც გავიკეთებდი და ყველგან იტყოდა თავის სათქმელს. თავიდან არ ვიცოდი საიდან უნდა დამეწყო, ან როგორი

იქნებოდა. ღამის 11 საათი იყო, შვილის რვეულის ყდიდან საქართველოს რუკა გამოვჭერი, დავადე თექა და გადავხატე. მეცინება რომ მახსენდება, იმისთვის, რომ მალე გამეკეთებინა, თექას ორმაგი სკოჩი დავანებე, დავაკარი ფარფლები, ბისერებით და ნემსით ამოვქარგე, რომ დავამთავრე ღამის 4 საათი იყო. იმ დღესვე მოვირგე, ისეთი ბედნიერი ვიყავი, მეგონა ჩემი საქართველოს გარდა არაფერი ჩანდა გარეთ, მეგონა ყველა ჩემ ბროშს უყურებდა. ეს საოცარი ემოცია იყო.“

ბროშებს, თმის სამაგრებს, სხვადასხვა ფორმისა და დიზაინის აქსესუარები მოყვა. საზოგადოებამ სოფოს ხელნაკეთი ნივთები მალევე აიტაცა და ახლა ის სხვების გახარებაზე ზრუნავს.

„მიუხედავად იმისა, რომ სხვადასხვა სახეობის აქსესუარებს ვამზადებ, ვფიქრობ, რომ ჩემი სავიზიტო ბარათი მინც „ჩემი საქართველოებია“ განსაკუთრებით მიყვარს. ყველას, ვინც ჩემს ბროშს გაიკეთებს, სიამაყით ეტარებინოს ის. სამწუხაროდ, დროის სიმცირის გამო ჩემთვის საყვარელ ხელსაქმეს დიდ დროს ვერ ვუთმობ, საზოგადოების დაინტერესება მაღალია, ბევრი შეკვეთა მაქვს, ძალიან მახარებს ის ფაქტიც რომ „ჩემი



საქართველოები“ საფრანგეთში, ბელგიაში, გერმანიაში, საბერძნეთში, ამერიკაში, იტალიაში და სხვა ქვეყნებშიც ვავგზავნე ემიგრანტების თხოვნით. მუშაობის პროცესს დიდი მნიშვნელობა აქვს. გარემო სადაც ვმუშაობ განსაკუთრებული უნდა იყოს, განწყობა აუცილებელია, მქონია შემთხვევა, რომ შეკვეთა მაქვს დასამზადებელი, დავჯდები და ვერ ვაკეთებ, ამ დროს სხვა ისეთი რამის დამზადებას ვიწყებ, რაც სიამოვნებას მგვრის, მასალას ყოველთვის ვარჩევ, რაღაც განსაკუთრებული ემოციით, განსაკუთრებული მიდგომით. ფერებს ვუხამებ ერთმანეთს და ვცდილობ მომხმარებლის გამოვინებაზე დადებითად აისახოს, ახალი წელი მოდის და თემატურად ნაძვის ხეებისა და სანტას ქულების დამზადებას ვცადე. არ შემიძლია ორი ერთნაირის გაკეთება, თითოეულს ახალი ინტერპრეტაციით ვაკეთებ“ სოფოს ინსპირაციის წყარო ჰობის მიმართ დიდი სიყვარული, ის დადებითი ემოციები, ხასიათი და განწყობაა, რომელსაც ყოველდღიურად გასცემს და იღებს საზოგადოებისგან და მომხმარებლის მხრიდან.

„მინდა დიდი მადლობა გადაგიხადოთ ყურადღებისთვის და ჩემ საყვარელ ბოლნისს და ბოლნისელებს მივულოცო დამდეგი ახალი 2022 წელი. მართლა გამორჩეულად მიყვარს ბოლნისი და ყველა ბოლნისელი, მუდმივად ვგრძნობ სითბოს და სიყვარულს თითოეული ადამიანისგან. მინდა უკლებლივ ყველას ვუსურვო ნათელი მომავალი, მშვიდობიანი და გაბრწყინებულ საქართველოში“- სოფო გასიშვილი.

ავტორი: მაგდა დევნოზაშვილი

ბოლნისის ცენტრალურ კლინიკას მადლიერი პაციენტის წერილი

ჩემი ოჯახი, რამდენიმე თვის წინ, სიკვდილ-სიცოცხლის ზღვარზე დადგა, მეუღლე გია კარგარეთელი კოვიდით დაავადდა და საკმაოდ დამძიმებული, ბოლნისის ცენტრალურ კლინიკაში გადავიყვანეთ, სადაც უმძიმესი დღეები გამოვიარეთ. ჩემი ოჯახი ხელახლა დაიბადა, მაშინ, როდესაც თითქმის დამთავრებული გვეგონა, სწორედ მაშინ მოახდინა სასწაული უფალმა და გამომიგზავნა ისეთი ადამიანები როგორებიც არიან ბოლნისის ცენტრალურ კლინიკაში, ეს იყო სიცოცხლის სიკვდილზე გამარჯვება, რასაც მთელმა კოლექტივმა, კლინიკის ხელმძღვანელებმა, დარეჯან ჩხეტიანმა და გია სანიკიძემ მედპერსონალთან ერთად, თავგანწირული შემართებით, ღირსეულად გაართვა თავი, უდიდესი მადლიერება და პატივისცემა მათ ამისთვის.

ოჯახის და ნათესავების სახელით დიდი მადლობა მთელ კოლექტივს: ისმაილ ქვეხიშვილს, გიორგი ჭუჭულაშვილს, ლალი სიკინჭალაშვილს, ქეთი მახარაშვილს, დოდო არეშიძეს, თამრიკო რობაქიძეს, მაია მუშკუდიანს, ნელი გუგუსიანს, ზენა ბაირამოვას და ეკა მიქელაძეს, ამ საოცარმა გუნდმა, ჩემი ოჯახი დიდი ტრაგედიისგან იხსნა, პროფესიონალმა და თავდადებულმა ადამიანებმა დაამტკიცეს, რომ კოვიდი განაჩენი არაა, კლინიკებში ხალხს არჩენენ და სიცოცხლის საშუალებას აძლევენ.

პატივისცემით: მზია თუთიაშვილი



სიასხლდეები

რიჩ მეთალს გრუპი

არემთიში სამთოელის დღე აღინიშნა

17 დეკემბერს კომპანია არემთიში სამთოელის დღისადმი მიძღვნილი საზეიმო ღონისძიება გაიმართა. უკვე მე-3 წელია, რაც კომპანიამ მივიწყებული ტრადიცია აღადგინა და 3500-მდე დასაქმებულთან ერთად, პროფესიულ დღესასწაულს სამთოელის დღეს აღნიშნავს.

ტრადიციულად, კომპანიის მენეჯმენტმა წლის ხუთი საუკეთესო თანამშრომელი გამოავლინა და მათ სამთოელის ჯილდოები გადასცა.

2021 წლის სამთოელები გახდნენ: არჩილ ჯაყელი - წარმოების დირექტორის მოადგილე, რეზო ლობჯანიძე - წარმოების დირექტორის მოადგილე, კახაბერ კეკელიძე - სპილენძის გამამდიდრებელი ფაბრიკის უფროსი, ლალი ჯავახიშვილი - ფეთქი მასალების სანჯობის უფროსი და როზა გველესიანი - ინჟინერ-კონსტრუქტორი.

წელს პირველად დაჯილდოებაზე დასახელდა წლის

საუკეთესო დეპარტამენტებიც. სამთოელის ჯილდო კომპანიის კოვიდ 19-ის მართვის ოპერატიულ შტაბს და გარემოს დაცვის დეპარტამენტს გადაეცა.

საზეიმო ღონისძიებას ადგილობრივი თვითმართვლობის, არემთის კორპორაციული სოციალური პასუხისმგებლობის პროექტებში ჩართული სპორტული, კულტურული და საგანმანათლებლო პროექტების წარმომადგენლები ესწრებოდნენ.

„ვულოცავ ყველა ჩვენ თანამშრომელს სამთოელის დღეს! მინდა გითხრა, რომ ჩვენი კომპანიის ყოველდღიური საქმიანობის უკან 3500-მდე დასაქმებული და მათი ყოველდღიური თავდაუზოგავი შრომა დგას, ამიტომ კიდევ ერთხელ მადლობა ყველა სამთოელს! მათ ვინც ახლაც, სხვადასხვა ლოკაციაზე პირნათლად ასრულებს საკუთარ მოვალეობას და მუშაობს საკუთარი ოჯახის, რეგიონის და ქვეყნის უკეთესი მომავლისთვის.“ - განაცხადა არემთის აღმასრულებელმა დირექტორმა თორნიკე ლიპარტიამ.



ახალი ქიმიური ანალიზის ლაბორატორია „არემთიში“

არემთის ახალი, თანამედროვე ტექნიკა-დანადგარებით აღჭურვილი ქიმიური ანალიზის ლაბორატორია, არემთის აღმასრულებელმა დირექტორმა თორნიკე ლიპარტიამ კომპანიის სხვა მენეჯერებთან ერთად საზეიმოდ გახსნა.

ქიმიური ანალიზის ლაბორატორიისთვის აშენდა ახალი, თანამედროვე დანადგარებით აღჭურვილი შენობა, რომელშიც დაწყულია შრომის უსაფრთხოების ყველა საერთაშორისო სტანდარტი. საქმიანობის სპეციფიკიდან გამომდინარე, სპეციალურად ლაბორატორიისთვის დაპროექტდა ერთ სართულიანი

შენობა, რაც ხელს უწყობს ლაბორატორიის 24/7-ზე ეფექტურ ფუნქციონირებას და მართვას.

„ქიმიური ანალიზის ლაბორატორია, კომპანიისათვის, მნიშვნელოვან სტრუქტურულ ერთეულს წარმოადგენს. ყოველდღიურად, ამ ლაბორატორიაში, სხვადასხვა ტექნოლოგიური პროცესიდან აღებული 500-ზე მეტი სინჯის ანალიზი ხდება. მიღებული შედეგები ეგზავნებათ შესაბამის სამსახურებს, რომლებიც გადაწყვეტილებებს სწორედ ამ ანალიზის შედეგებზე დაყრდნობით იღებენ.“ - აღნიშნა „არემთის“ ხარისხის კონტროლის სამსახურის უფროსმა დავით კუპრაევამ.



არჩილ ჯაყელი

კომპანია არემთის წარმოების დირექტორის მოადგილე



არჩილ ჯაყელი, არემთის წარმოების დირექტორის მოადგილის პოზიციას 2020 წლიდან იკავებს. მას სამთო მიმართულებით, მუშაობის 19 წლიანი გამოცდილება აქვს. პროფესიით სამთო-ინჟინერია და მას წლების მანძილზე კომპანიაში არაერთ პოზიციაზე მოუწია მუშაობა. იგი 19 წლის მანძილზე იკავებდა აფეთქების უბნის უფროსის, მთავარი ინჟინერის მოადგილის, კარიერის მონიტორინგის ინჟინერის, მადნეულის კარიერის უფროსის მოადგილის, ბურღვა-აფეთქების უბნის უფროსის და სხვა პოზიციებს. 17 დეკემბერს არემთიში სამთოელის დღისადმი მიძღვნილ საზეიმო ღონისძიებაზე, არჩილ ჯაყელი, კომპანიის განვითარების და წარმოების საქმეში შეტანილი წვლილისთვის 2021 წლის სამთოელად დასახელდა.

„გასული წლებისგან განსხვავებით, კომპანიაში წინსვლა ყველა მიმართულებით მიმდინარეობს. მოხდა საწარმოს გადაიარაღება და თანამედროვე ტექნოლოგიებზე გადასვლა, ასევე შრომის უსაფრთხოების უახლესი სტანდარტის დამკვიდრება. შემუშავდა გარემოსდაცვითი პოლიტიკა და ამ მიმართულებით არაერთი ღონისძიება განხორციელდა. ძალიან მნიშვნელოვანია ისიც, რომ მუდმივად ხდება სხვადასხვა სფეროში თანამშრომელთა კვალიფიკაციის ამაღლება. ასევე მნიშვნელოვანია მაღალი სოციალური პასუხისმგებლობის პროექტები, რომელიც საკმაოდ ფართო მასშტაბებისაა. შეამაყება რომ ვარ არემთის გუნდის წევრი. მინდა ჩვენი კომპანიის 3500 თანამშრომელს მადლობა გადავუხადო, ყოველდღიური თავდაუზოგავი შრომისთვის და საუკეთესოდ შესრულებული საქმისთვის.“